



龍石集敘

聊城龍石許古歿且一紀餘詩未傳於世古
季享瞻余子壻也一曰獲數帙詣余曰老君享
著述頗富稍館之夕顧臨也孱蒙未止故錄今
稍有尠識於兄弟子姓處搜羅延訪狀以逸者
十八九矣蕭朕遺編惟翁其裁正已將付諸梓
心度有耀於身後永之也余受而披閱決辰通
得誣文如干首蘇子曰佳問之善人問絲不如

竹竹不如肉而對者謂漸近瘦狀今讀龍石公
集不信有激哉公少呂雩逸稱器中壯歲舉進
士出身第一讀中祕書歷睿坊學士司成呂奎
宗伯蓋發吳身竹紫園中過目朗誦援筆所就
互綴累陳編蹈襲夙軌迥今細觀諧辨述清新
俊逸健拔謹嚴如芙蓉浸江晴霞檝綺又如武
庫振利隊仗森整何吳幽秀端凝也若是邪殆
所謂漸近自狀者矣或謂文心墨卿出於情寡

所工於詞多至於勞呻康吟顧不若途人閨婦
之真率是夫非通方之論也夫性真吳本原載
籍吳究證比興其感遇藻思吳發揚政度大雅
高妙如公即棄置典墳真狀一空得於堯而成
於感者夫自猶激不可窺測矧琢磨呂五棠之
彥碩閱歷呂金櫃之秘藏雍之盧水之巨穆之
端揆之間完吳天真而粹其性靈家雕蟲事
而翻之藝苑稱絕也徒曰櫛釘字句模仿篇

章者擬古是豈魁言者哉古染翰初學右將軍
後沉酣松雪而小變也飛動雄偉今光嶽樓及
北城園石刻甚為時髦鑒賞歎恨瑋製未能盡
收朕已足曰陋管弦而肅鸞鳳矣
嘉靖癸亥季春清明日

賜進士第前資政大夫奉

敕總督宣大山鹵軍務兼理糧餉兵部尚書兼
龍察院右都御史獫狁蘇祐撰

龍石詩集 卷上

聊城 許成名 思仁甫 著

四言

饗獻樂章

迎神

於赫烈祖昭明有融文猷武烈萬世攸崇仰思創守
不顯儀刑瞻予冲眇惟感則通六駕雲從降于帝庭
初獻

時禴不爽南薰載揚式虔始薦駿走皇皇惟豆孔碩
為羞既減笙鏞既奏玉帛是將式歌且舞薄以侑觴

亞獻

清庙孔嚴孝誠不匱有執惟恪相予禋祀載獻益虔
百靈協豫亦有和羹玄醴既備受釐不遲而昌而熾

終獻

於惟孝祀克慎惟終至樂惟平至禮惟容洋洋在上
靡敢遑寧豈馨黍稷昭德惟膺靈貺既加景命乃疑

徹饌

禮成孝享惟徹有章神具醉飽既樂且康緬懷冲穆
仰止未忘佑啓永賴百世斯皇神其聽之綏予萬方

還宮

靈爽其歸風迴雲舉瞻之在前恍兮若去既反而寂
不見其處穆穆闕宮神之所宁聿念思成時享惟序

龍石詩集

卷二上

聊城 許成名 思仁甫 著

五言古詩

愛菊卷四首

英英山上雲靄靄林中屋主人遠市喧晏坐江之澳
江樹風蕭蕭見此東籬菊結根滿堦砌采采何芬郁
鄰翁喜同調田家酒新熟携手醉山月長嘯聞空谷

二

亂山迴合處窈窕秋江村巖松媚茅宇野水流石根
山人宜閒寂愛此黃菊繁華滋濯露色接葉含霜痕

芳穠媿百草黃落空秋原幽姿興間曠相對能忘言

三

山居坐空翠白日雲依依俗駕日已遠流水鳴竹扉
耽菊日堪把心遠時忘機莊生賦秋水陶令懸金微
林臯恣野眺浦樹遙霏微興來舉春酒潦倒醉秋暉

四

村居傍江浦秋山風日涼青青澗畔松對此寒菊黃
西林日蕭瑟楓葉墮飛霜高情賦麗藻隱逸憐秋香
杖藜歸落日攬彼東籬芳清賞渺無際高詠逐滄浪

秋夕三首

風簷坐秋夕隣語聞初歇新篁始及肩揚颺自清越
靜言理金徽幽情忽浩發遙憶渺天隅寥潤而微月

二

候虫當夜闌幽響發庭砌螢火三五稀明滅逐簷際
繁星綴秋虛有懷耿不寐對此秋瑟瑟臨風聊獨憇

三

夕霽泛虛爽涼生如有畜苔痕起夜蛩驚颺振秋竹
炯炯奄庭曙林月垂高屋光景擲如此所願不渝反

送楊總兵守備南都

矯矯關西雄南都秉新鉞虎士擁春郊龍劍辭金闕

豈不資遠猷紫塞寧突厥石城重金鼎因之奠吳越
風幟捲蒼茫雪帆去碣砢兵戈日已掃氛翳消溟渤
帷幄在崇文武畧猶時發報國俟殊勲雲臺擬高揭

呂公洞

皎皎聞飛仙悠悠隔千載雙劍凌紫霄孤雲飄四海
我昔夢見之風神何磊磊授之紫金經食我丹液醴
光景逐流星倏忽不相待玉洞儼神跡暗壑諸流匯
鶴馭幾時回瑤花鎮常在天地悵寥濶搔首青雲陔
羈塵苟終脫借我玄芝采

秋雁

昔逐春風來今逐秋風去塞草與湘雲年年無定處
稻梁恣所謀寒暑隨飛翥翮如有生霜月橫相語
征夫塞上行馳驅萬里程王事匪日月鼓角愁邊聲
寒沙委白草豈無兒女情如何聽歸鴈中夜淚雙盈
屠職方坐上分韻得日字送王彥史

秋樹鳴瑟瑟離卮落寒日相看一轉蓬蕭索聊促膝
四海論遨遊落落誰膠漆握手來幾何忽爾行旌出
關河匪棄予宦跡良可恤繡斧振風裁汗史慚簪筆
江湖此賸遊勳業還超軼風塵念始平白屋聞堪怵
憂國啓臯囊歷歷盈緗帙犯顏豈臣心立官在委質

南畿景物佳蘭止雜香苾願言把贈我采采秋江曲

西山詩

長風撼林壑雲沙暗春野恐雨益愁容看山仍駐馬
天道本難測風伯何為者羣峰望轉迷挹爵何由瀉
空懷吟賞心翻飛不能下須臾天宇開歷歷山可寫
朋簪笑相顧湖山意瀟灑解鞍坐清流呼童走觴掌
溪藻漾春波臨風何艷冶我來良不遲岩花尚堪把

玉泉野集

山根留野酌靈泉吐其竇歆石弄潺湲響切笙竽奏
圓波逗錦沙射日羅星宿挹酒下深碧行杯逐飛溜

鳥過晚溪馴樹夾春津茂夙懷愜眺賞幽思窮昏晝
醉偶踏層岡芙蓉亂羣岫

白鷺詞

白鷺媚芳渚臨流益清徹不令素羽落緇塵愛何平
湖點春雪

龍石詩集

卷三

五言律詩

詠落葉五首

落葉催秋暮，飄蕭不可聞。
撲窓聲訝雪，度水勢隨雲。
棲鳥驚巢見，懸蛛惜網分。
臨風吹萬點，客思正紛紛。

二

瑟瑟鳴寒樹，西風吹漸稀。
林臯迷草徑，岐路點征衣。
掃石和雲亂，辭枝趁鳥飛。
秋光零落盡，其奈客思歸。

三

夜雨凋寒擗，飄零送客愁。
山林驚改色，天地見高秋。

照月輕依草隨風遠度樓郊原空悵望蕭索舊芳洲

四

霜葉蕭蕭下那堪歲暮侵惜無依樹色疑有戀枝心
村舍空寒霧山亭自夕陰長吟望秋浦數點尚風林

五

幾度摧寒雨翻堦片片輕林梢踈月影風裏助秋聲
眉黛休前日蹄涔盡此生宮墻通綠水莫遣寄幽情

送陳司訓致仕

送客臨東郭旌麾擁驛樓江憐秋鶴去山愛晚雲收
當路今青眼抽身未白頭舊盟有湖水萬里識歸舟

望江浦

宦跡行無定烟波意總閒江分南北界天入楚吳間
到浦纔看竹臨橋又見山羈塵三十載極目一開顏

宿內相

二月中旬後何如盡日陰花還生紫葢榴已發紅針
草木皆天氣風雲總物心昨宵雲不雨萬類尚蕭森

劉松石修河功成四首

河運三千里樓船接兩都龍分江漢水天作帝王圖
當宇神堯德司空大禹謨相須共勲業昭代識鴻儒

乾發崑崙脉遙從積石流舟航通海嶠玉帛自天陬
忽有黃河變直勞紫極憂神功看更捷三月得全收
三
宿望雄湘楚英猷播上台江淮歸節鉞號令肅風雷
坤軸從容轉雲帆次第來征輸仍萬億馳奏 聖顏
開

四

國計東南重民勞得早停群材荷虛受萬役總懽聽
野徙河無賴潛通海効靈朝宗今拱極夷夏共來庭
蒙村阻風

狂風偏作惡野泊欵黃昏水濶能高浪鴉聲急遠村
神京看漸邇落日思空繁烟樹前途黑移舟起暮誼

送揚將軍二首

揚子能超衆聲華動九霄風韜馳萬里騎射落雙鵬
重器多男子雄猷擅武翹將軍著英望共道霍嫖姚

二

汝父識荆久英標爾不群聲華振邊塞氣槩協風雲
年少風猷著名馳遠近聞早憑報 明王應使樹奇
勳

送大尹劉啓明之大寧

晉水神京近銅章下九天聲華隣北斗樽酒惜離筵
禾黍連村落桑麻接暮烟由來光價重只尺復高遷
贈方尹考績還興業

方子崑山彦爲官桂嶺遙乘槎向南斗飛鳥下青霄
道便三江口名傳萬里橋策勳有當路早晚看扶搖

下香山

閣綺回斜日猶憐意未慵過溪青鳥亂出磴白雲從
天遠春郊樹山鳴野寺鍾所思川下好無地着塵容

秋懷東臯

柴子今高士相違出異方飛雲看咫尺入夜夢尋常

林臥詩千首塵誼路九腸兩年慚問訊空見鴈南翔

七真洞

僊窟何年鑿陰森俯玉山松杉滿雲氣風雨落苔斑
石疊披林上峯懸隔世間塵心消未得空媿此躋攀

過天津望海

雨霽春城淨蒼茫望海門風帆懸夕照沙岸帶潮痕
樹已鳴鳩亂波仍乳燕翻水鄉傳歲歉行殿野無垣

送胡使君歸餘姚

湖海風流客承恩下紫宸王家新佐禮仙署舊連
姻飛雪縈歸思寒梅送遠人棊樽空羨爾萍水尚羈

身

送即山河南採實錄得趨字

王事憐君便親闈夢與俱看雲空歲滯持節獨晨趨
嵩洛歸青簡風霜試遠途天涯兄弟切別思海鴻孤
館閣論文舊交遊獨此心美人今夕遠南國碧雲深
星闕思鳴珮詞林憶盍簪孤舟津樹渺離緒迴難禁

二

之子江東去庭闈喜至家梁園行畫錦洛水繫春槎
白髮三年夢清樽二月花故山應暫駐樂事即無涯

三

驛路春應盡吳門花正飄懷人時見月不寐夜聽潮
沙岸迷江漲雲帆接斗杓東南最佳麗隨興落瓊瑤

四

去國仍豐鎬移官尚簡書才名隨地重清切沐恩殊
閉閣傳經後臨岐點易餘城中行色好長日擁齋居

五

春深動歸客道阻說三秦嶺度雲隨馬川行鳥亂人
琴書仍舊業燈火更相親獻賦他年事青霄擬致身

送友人高君判漢中

得郡三千里雄都舊不羣地交秦嶺樹城俯漢江雲
孤劔隨天遠庭書與鴈聞多才寧負爾早使達明君
三忠祠別同館諸君子

東林催曉集細雨送孤征柳散河橋色鶯迴野樹聲
遠雲歸客思芳草故人情杯酒荒祠別離憂向此生
晚過通州憶同鄉諸友

落日通州道蒼茫趨潞河亂帆迎野望急鳥拂林過
暮雨催征騎春流起棹歌即憐歸興遠無奈故人何
張家灣晚發

蚤發林生旭人喧鼓亦鳴岸樓懸木起春水接船平
柳愛曉光淨途憐雲意晴故園今數載歸夢此初醒
河西驛早發

晚泊河西驛朝來雲物晴春流宜浴鷺岸樹喜遷鶯
白白渚烟淨荒荒野日明蒼茫遙引望何處是都城
宿蔡村待溫民曹不至

路黑獨停舟荒程起暮愁片帆看不到短燭坐曾休
犬急荒村吠人驚草店留窮民今寇盜酷吏尚誅求
蔡村道中

雲物變蒼涼春殘草樹荒屋空泥作瓦民敝蒿爲墻
網集漁人亂帆歸客子忙最憐洲上鳥婉孌自翱翔

莫春過桃花口

客渡桃花口桃花喜尚開花能留客媚客及見花來
暖樹啼鶯盡晴波乳燕迴歸途仍幾許春暮暗相催

過楊柳青

前夕桃花渡今宵楊柳青春愁歸剩日暮春念客舫九故云
亦浮萍驛舍空飄瓦流離類曉星寄言當路者何以
慰蒼生

奉新驛道中

道路春辭客鶯花知未知飛雲猶在望歸舫莫應遲
游子今如此衰顏豈舊時初薰風日好即喜逐歸松

過靜海

海潮從此靜靜海得今名斜日留沙白微波照柳明
春耕人在野晚渡水連城頗愛民風樂魚鹽度此生

宿流河

逆流風喜順楊柳到流河皆驛名九十春光速尋常客
思多月從林度影雨為水增波無賴前溪鳥喧啾奈

爾何

磚河驛舟次

舟次磚河驛人驚草店稀雨花飛外落風絮柳邊飛
轉轂愁春盡隨波與世邁荒程心事遠搔首立斜暉

新橋驛道中

一片沙村月微微照客孤水風臨夜靜人語隔船呼
寇盜愁難寐瘡痍恨未蘇寸心折泛梗雙鬢改秋蒲

桑園

暮出桑園驛晴波渺渺東岸高斜礙月樹亂響吹風
野興青山外歸程落絮中故鄉知漸近客思益匆匆
宿德州飲同年孫侍御舟中偕張溫二戶部及

還明府

故人同客裡忽謾喜相携萍水杯難盡樓船月易低
土風連北異人語辨東齊此夕憐鄉國蓬窓坐曉雞

梁庄驛道中書事

驛路仍荒歲誅求尙累年新絲曾待價青麥已歸錢
野堠頻宵警村墟但午烟客程春又過愁對落花前

清源驛

夕泊清源驛東山此上游市聲喧隔水帆影亂當樓
百里鄉雲近經年客夢收故人憐在眼樽酒爲相留

廣平道中

常憶東遊勝頻年興未消路隨芳草遠雲與泰山高
僕從能忘倦風塵豈厭勞長途三百里望望海天遙

蔚蘭口早發

早發雞初定東林月在時山遙雲正暝野曠草無涯
亡屋須誰任窮民有客悲蕭條愁極目行邁欲遲遲

遲賢亭次邊華泉韻二首

落暮僂踪舊荒亭但夕陽山空消日氣樹迴豁雲涼
迓客從林鳥憂農問野蝗來遊憐地勝留詠掃苔墻

二

僻地堪行樂浮名本自輕尋春留客騎望嶽倚仙楹
野樹臨溪斷山雲出岫明曉涼知夜雨天際尚烟橫

遊靈巖二首

靈巖稱絕勝佳麗已千年佛磬通林杪僧田到石顛

兩山獅象逼孤塔斗星懸人倚青霄立雲時落檻前

二

臺殿峯迴秀登臨愛獨竒飛流鳴磗齒輕霧與山姿
溪鳥差池亂石田下上且來遊今信宿不厭出山遲

出雞鳴山二首

雞鳴山下去石磴苦攀緣過客休途樹居人刈野田
慣山牛到嶺出谷鳥衝烟民事方憂旱輕雲歛暮天

二

道遠倦游客爽風來暮林嶺行山在面川渡水澄心
棗實連村合椒丸入澗深峯巒隨處好時觸短長吟

呂太守禱雨獲應喜而有作

好雨能驅旱淋漓愛及時風前飛裊裊雲脚影絲絲
禾黍今無恙川原忽有姿賢哉東郡守獨遂禱天私

晚坐

不寐高城月微吟出草堂年華驚旅鴈心緒起寒螿
露下庭花白秋生晚坐涼夜闌時自語孤興與相將

友人書屋

雅集城西郭高秋萬木黃寒花隨酒亂彩筆爲詩忙
草閣藏千帙石田接大荒坐來渾不俗時見遠山蒼

壽田濟民昆玉母

其日亦先母誕辰故有末二句

春酒獻冰堯仙郎彩鳳毛青雲看鸚薦丹桂屬秋高
雪色明歌席晴輝上舞袍登筵成強笑留詠獨蕭騷

蓮開有作

頗愛盆池小芙蓉開亦繁隔簾看更媚臨水照疑翻
風處香浮坐花時笑倚軒濂溪千古意相對欲忘言

玉皇閣避暑二首

上帝臨丹閣仙遊到紫霄青齊山外迴滄海望中遙
天近窺銀漢風高聽玉簫蓬萊鸞馭遠麾手莫能招

二

飛簷迴石棟危閣倚晴空望國懷燕北觀瀾憶海東

涼吹風落檻影歛日移松登眺宜高絕秋山入畫中
飲朝儀西庄二首

草閣長堤畔通幽小逕深平田雲墮影返照樹移陰
看竹臨池坐耽詩對鳥吟主人能愛客樽酒日相尋

二

城隅連別墅池樹鮮吟鞍叢菊荒三逕新筠簇幾竿
飛鷓隨地好散帙近花看不盡西陂興斜陽更倚闌
飲劉貳守宅同盤浦可亭

寒城初落照白露送高秋風雨慚多事江山憶勝遊
林懸滄海月花近綠雲樓披豁同今夕芳樽一散愁

送溫民曹之南都

之子江東去仙舟不可攀泥書辭鳳闕簾鼓下龍灣
旅雁宣城月秋花建業山亦憐豐鎬舊即喜簿書閑
神仙道口望郡城

落日堤頭寺林寒秋草黃馬隨歸鳥亟鴈逐去雲忙
道路名猶在神仙事已荒高城迎遠眺烟樹正蒼蒼
小園得防齋石坡詩因次韻謝之

出郭荒園近還憐望嶽東門迎秋水碧林帶晚霜紅
白雪愁難和高軒擬日通草堂驚自好敢謂習池同
三月十四日席上壽老親兼謝諸君子

歸期春漸老，鶴髮喜相扶。擁席花仍放，卸杯月不孤。
門迎金紫客，壽獻海山圖。白雪辭難和，青燈夜未徂。

二月四日遊東墅

遲日來東郭，荒園接古河。碧含春水淨，青入柳枝多。
隔樹聞鶯澀，排空數鴈過。池塘憐夜雨，輕綠起新莎。

次西陂韻二首

尋春憐故國，出郭正花時。劇飲天酒暮，忘機鳥亦知。
暖崖千樹擁，晴閣亂雲披。爲惜同遊地，空慚未了詩。

二

野酌憶何側，幽懷欲放時。林深惟鳥亂，地僻豈人知。

春樹花光動，風簷竹影披。西陂清興遠，池草入新詩。

再次前韻四首

層樓臨古郡，流水近官河。浦草城陰細，春帆樹影多。
感時花又放，懷客雁初過。午坐閑窓寂，晴光轉綠莎。

二

鍾起林端寺，舟迴樹裡河。望山天共遠，觀海日空多。
世變時難定，幽棲歲易過。永懷愁未已，無語立青莎。

三

園林朝繫馬，簫鼓晝喧河。晴眺春山亂，幽便水竹多。
市烟飛不入，人跡訪曾過。最愛門前道，萋萋掩綠莎。

四

斜照留晴樹清流響會河春寒花意懶林密鳥情多
雪影涵池動泉聲漱竹過綠痕從雨歇沙上蒲新莎

宿華岩

晚集華岩寺踈鍾落上方移燈傳下榻掃石坐飛觴
月白山窓靜松高野殿涼流泉鳴夜枕興遠即滄浪

贈別熊道長二首

忽謾東城會仍驚北闕還風雲看節鉞簫鼓下河
關高論終相慕清塵迴未攀窮民仗駿馬有疏達

龍顏

二

地僻茆堂靜霜清豸繡來先聲流海嶽暫駐儷風雷
發興東林月論心此夕孟夜深更披豁鬱抱向君開

次麟石韻因以相贈三首

尚憶登賢俊曾攀第一科雲羅江海曠草野鳳麟多
盛世能誰棄高風柰爾何徵車終見索早暮擬相過

二

空羣今逸足氣韻敢同科湖海孤踪遠雲霞妙思多
瑤篇時競羨帑價近如何小築便相近高軒許日過

三

寡學能誰伴微踪賴爾携共驕北海翼同赴上林棲
絕調人難和高風世豈齊神蛟終奮達未許但蟠泥

園中作

草閣臨塘近幽棲少客過菊英霜後麗鳥語坐來多
地迴離埃霧門深擁薜蘿官閒增意興高笑擬山阿

曉出沙河

揚旆出高村微茫野樹分踈簧春磴水亂絮曉山雲
雨濕煙沙淨天空鶴鶴羣行宮重回首紫氣藹龍文
雨晴次杏岡用杜韻三首

烟開林外暝雨散樹頭風無麥春愁旱翻盆此病農

何天秋嶂碧拂闕曉雲紅鶴鶴長鳴去迴飛向遠空

二

晨啓林端曙風行水上文漲渠還積潦度嶺尚殘雲
花落憐摧蔓鷗飛劇逐羣客愁憶昨夜窓外雨紛紛

三

夕陽下西嶺積霧散平林雨氣明山色晴光轉樹陰
蟬鳴高柳急水入野田深歆問三農事何如慰此心

送宜學王太史遷廣東四首

風雨寒城別踟躕共不禁孤舟遷客夢落日故人心
天地南溟遠雲霄北斗深送君何限意蕭瑟滿東林

野日平沙路秋風逐劍塵青山疑送客黃菊冷看人
海國多憂瘴江程幾問津濁醪今夜月兀兀暗傷神

三

飄泊天南去征途識俊髦匡時誰寒謬留別共蕭條
歲暮濤聲壯天空鴈影高西風愁送客秋色滿亭臯

四

搖落離亭思關河秋正深楚帆南去客燕樹萬重心
瘴合江雲濕天浮海氣陰共憐忠義在無復論升沈
客思

兀坐西堂寂客心歲暮多孤雲空悵望雙鬢易蹉跎
花獨寒梅在人如明月何清樽待知己談笑為相過

耕樂卷四首

澤國江天迥柴門野迳斜清心饒水竹隨地是菜麻
社鼓村村酒山耕樹樹花石田餘數頃醉飽足生涯

二

草閣幽棲處年年紫翠間迳溪泉漱竹隔樹鳥啼山
禾黍連村綠牛羊落日還却輸名利客不似野人間

三

南畝西成候江村刈稻天隴風吹牧笛浦月繫漁舡

濁酒日成醉黃雞時割鮮相將公稅了高枕度豐年
四

村落遠城闈茅堂寄水濱山翁臥白日林酒喚西鄰
沙凍林含雪簷暄鳥近人野梅宜歲晚數點放江春
草閣長堤畔通幽小徑深平田雲墮影返照樹移陰
看竹臨池坐耽詩對鳥吟主人能愛客樽酒日相尋

玉山洞

丹壁留僊榻窮探上紫霄星臨北斗近雲眺太行遙
洞鶴從來海山花自莫朝蓬州不可問落夕坐飄蕭

曉出安定門過演武亭

早發東林曙城鴉起萬群暝煙分白鳥積雨濕青雲
營柳含兵氣關榆息塞氛安攘今 聖主耀德總修

文

駕駐回龍觀

龍觀留僊馭 宸游定幾回流塵經雨靜遠障見雲
開夜祀千官集乘陽二月來明時興禮樂曠典 帝
親裁

沙河候 駕

沙岍仍行殿 龍輿候晚過嵩呼迎父老王氣拱山

河野肅金戈集營森鐵騎多侍臣傳 帝旨落日散
鳴珂

題洛原贈白貞夫四首

卜築從江左貽謀自洛陽青山迴萬壘喬木擁千章
世代恒如昨源流邈未忘孝思真美羨爾寤夢到高邛

二

早識江東彥時聞海內名揮毫多麗藻接踵舊冠纓
勲業推前輩休禎啟後生毗陵百代遠有賴振家聲

三

相門能繼武僊里屬鳴珂派迴光逾倍芳遙耿未磨

晉陵聞綠野吳水見黃河伊洛思前哲衣冠藹世科
四

林苑曾傳勝江鄉久擅雄草堂脩竹裏金谷亂山中
袍笏未能滿圖書棟已充青霄看鳳翥萬里奮高風
宿廣應寺

幽寺橫山曲斜陽載酒過溪行亂雲樹巖宿傍星河
盤饌從新摘松蘿起浩歌老僧能客者此夕滯歸珂
寺亭眺望

佛寺西林勝人家亂石顛面溪開水閣逐嶺布山田
磬自雲中出僧從樹杪穿江湖興何限俱落酒杯前

望湖亭

鑑湖莽春野石構倚峰陰迴薄空山氣紛披佳樹林
水田振鷺下風壑起龍吟客心坐來遠時間鍾磬音

碧雲寺

寶樹山雲合瑤臺石磴懸幽探梅洞杳碧愛竹池連
天地開音骨蛟龍啓秘泉不妨塵世跡高寄翠微顛
來青亭小坐

梯石凌高漢攀蘿上紫峰雄臺須縱飲丹壑幾相從
樹鳥看垂帽山雲出蕩育翻嫌聲和客同此寄高踪
挽鶴兒數首

吾兒今已矣長別再無還萬事忽陳跡一身謾往攀
花開寧結實雲去竟歸山猿鶴聞能痛荒墳碧水灣

二

吾兒今已矣跡踪總躑躅有夢難重見多情豈再觀
玉姿還可像雪質相看長望今千里何能一撫棺

三

吾兒今已矣歸去忽三年茆屋今長在華堂亦悄然
瘦軀撐弱骨衰體勢難延天老寧司柄模糊亦可憐

四

吾兒今已矣有力豈能回後絕還思繼前推益可哀

萬程何忽蹶千仞勢終頽俄頃即驚變寒事已灰
五

吾兒今已矣凶變實堪驚幾日猶能步一朝遽尔傾
徒令談命拙遂使喪生平往事同灰盡新哀與日盈

六

吾兒今已矣揮灑亦堪奇染翰今何在揮毫總是宜
詩能題父後學許代兄為此去增予慟傷心重汝悲

七

吾兒今已矣一臥竟何之天地茫茫裡陰雲黯黯時
竟誰為伴侶獨尔亦孤危大分關生死空悲此盡期

八

吾兒今已矣早歲遽能終英魂伴明月白骨對秋風
汝父賜今斷親朋恨未窮迢迢竟何處樓榭但成空

九

吾兒今已矣一去竟何辭平生嘗念汝三載每思予
嘗憶別來字知心不敢欺孝情常恐恐有恨更關誰

十

吾兒今已矣衰白獨堪憐後浪翻先沒前車總未顛
壯年登鬼簿老境尚鶴鷺恨天真未定燭火尚能然

龍石詩集

五言排律

送劉華甫使中州便道省親

聖主優藩國詞臣出漢宮
壯遊稱北驥遠道逐南鴻
王事勞何急私衷念未窮
關河迎上客驛路指新豐
問俗風塵後憂時感慨中
青山搖使節白雪納詩筒
舟繫漳河畔旌懸洛水東
晨鷄秋浦月霜夜晚橋風
洄野雲長望鄴城道可通
清揚瓊樹質矍鑠沅花翁
橋梓頻年隔江湖此夕同
金樽浮蟻綠玉珮舞衣紅
官况憐叢桂征途憶轉蓬
百年真樂幾回首合從容

乾寧世引

洛水開先澤汾河啓後人家聲傳兩地世德動高旻
景際 皇朝運成連 帝室如臺高聞鳳吹地迴接
龍鱗良翰申侯並徽音太姒真寵膺昭代重爵與上
公倫誥鏤黃金字符分白玉麟河山千載固帶礪一
朝新忠盡傳家訓無忘保世臣

龍石詩集 卷四上

五言絕句

楊村道中雜詠

沙喧春燕語岸靜晚莎明白雨迷村色蒼煙亂櫓聲

二

風雨憐春盡村村不見花芳洲下白鳥平曠去孤鴉

三

逆冰直飛棹微風不滿帆舟人俱未識隱几下疎簾

四

細草穿沙面飛流濺鳥身客愁渾不散春雨故隨人

五

破雲透夕陽高樹雜歸鳥蛙鳴不避人聒聒亂春草

六

老樹撐孤枝崩崖俯新漲雙槩衝逆流波急不能上

野鶴

野鶴棲古衆茅簷日相倚簷空人不歸破巢聊爾爾

白鷺

白鷺立青沙臨風理毛羽相隨如有情脉脉臨前渚

題畫四首

野鶴猶胎氣林蟬亦嘯風如何蓮葉上空羨太一翁

二

飄飄神仙侶何處覓高踪我欲從之往蓬海正溟濛

三

滄海風猶急漁舟渡已安好乘雙棹穩信宿過前灘

四

大地暗窮朔望望雪山高老樹殘鴉盡尋梅興自豪

龍石詩集

六言

淮陽道中即事六首

柳覆青梅高店草深白鷺芳洲漁網張隨岸口
菡亭開向溪頭

雨霽前村柳碧秋深晚稻畦開田父老耕綠野漁人
醉臥蒼苔

菡屋依稀水曲萍波宛轉溪分柳影暗移斜日荷香
冷泛秋雲

水鳥祇宜初見岩花總未知名歌石無人釣晚採菱

何處歌清

水到平湖無岸草
經白露猶青
極浦烟開入畫
長江峰列如屏

河廣第分支
裔水餘無間
公私茆屋柴
柴半隱長江
鶴鶴相宜

河行閑述三首

密樹夾如青障
高屋迴似秋山
無種剪成萬幹
有梢剩下蒜杆

夜黑茫茫江水
船燈縹緲秋清
東西不明沙樹
高低粉聽歌聲

風裡舟鳴聽少
沙中禾種看稀
亡屋河邊常見
破窰岸上初微

湖上

湖景倒含山色
鍾聲半在林顛
幽澗去來水鳥
碧桃開落春天



龍石記集卷五

四

